

USTAVNI SUD
BOSNE I HERCEGOVINE



CONSTITUTIONAL COURT
OF BOSNIA AND HERZEGOVINA

УСТАВНИ СУД
БОСНЕ И ХЕРЦЕГОВИНЕ

COUR CONSTITUTIONNELLE
DE BOSNIE-HERZÉGOVINE

01/a-50-1

29-12-2011

Broj: P-447/11
Sarajevo, 28.12. 2011. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29. 12. 2011.			
Organizaciona jedinica	Klasifikaciona oznaka	Radni broj	Broj priloga
01	50-1	15-14	11

Parlamentarna skupština Bosne i Hercegovine
Predstavnički dom
Trg BiH 1
71000 Sarajevo
Bosna i Hercegovina

n/r predsjedavajućeg Predstavničkog doma
Dr. Denis Bećirović

PREDMET: Odgovor na akt, broj 01/a-50-1-15-14/11, od 29. novembra 2011. godine.

Poštovani predsjedavajući Predstavničkog doma Bećiroviću,

U vezi sa Vašim poslaničkim pitanjem, dostavljenim aktom broj 01/a-50-1-15-14/11, od 29. novembra 2011. godine, a kojim tražite da, kao predsjednik Ustavnog suda BiH, dostavim odgovor na pitanje poslanika Slavka Jovičića: „Šta je sa odlukom koja traje već šest godina, a ponavljam, bili su dužni u roku od godina dana da oni prate po svom Poslovniku a ništa nisu uradili?“, imam obavezu da Vam ukažem na slijedeće:

Ustavni sud BiH nije „drugi subjekt“ u smislu člana 156. stav 1. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 33/06, 41/06, 81/06, 91/06 i 91/07) kome zastupnici mogu postavljati pitanja u vezi sa specifičnim činjenicama ili situacijama, ili dijelom nadležnosti (član 151. Poslovnika Predstavničkog doma Parlamentarne skupštine Bosne i Hercegovine). Ustavni sud BiH je dio sudske vlasti BiH. Princip podjele vlasti na zakonodavnu, sudsku i izvršnu je inherentan element principa vladavine zakona, koji je propisan članom I/2. Ustava BiH. Podjela vlasti

R. Dž. Čauševića 6/III, 71000 Sarajevo

tel:
+387 33 251 226

fax:
+ 387 33 561 134

web:
www.ustavisud.ba


e-mail:
sud@ccbh.ba


podrazumijeva, *inter alia*, međusobnu nezavisnost. U vezi s tim, a u skladu sa članom 2. Pravila Ustavnog suda BiH („Službeni glasnik Bosne i Hercegovine“ br. 60/05 i 64/08), Ustavni sud BiH je samostalan i nezavisan „u odnosu na druge organe vlasti u BiH. Nijedan organ u Bosni i Hercegovini ne može donositi zakone, druge propise i opće akte koji se tiču rada Ustavnog suda i njegove uloge utvrđene Ustavom“. Prema tome, nadležnosti Ustavnog suda BiH, njegova prava i obaveze, uključujući i obaveze prema drugim institucijama BiH, regulisane su isključivo Ustavom BiH i njegovim pravilima. Shodno tome, Ustavni sud BiH ne smatra se formalno obaveznim da dostavi odgovor na „poslaničko pitanje“.

Ipak, naglašavam da je, u skladu sa članom 11. *et sequ.* Pravila Ustavnog suda BiH, rad Ustavnog suda BiH javan. Javnost rada Ustavnog suda BiH osigurava se, između ostalog, dostavljanjem informacija o načinu njegovog rada, omogućavanjem zainteresiranim licima da izvrše uvid u predmete o kojima Ustavni sud odlučuje ili na drugi način. Osim toga, Ustavni sud BiH ostvaruje saradnju sa drugim institucijama, u čemu predsjednik Ustavnog suda BiH ima posebnu ulogu (član 89. Pravila).

Uzimajući u obzir prethodno rečeno, a s obzirom na karakter postavljenog pitanja, Ustavni sud BiH može razmatrati ovaj zahtjev kao zahtjev za pristup i dostavu informacija u smislu člana 4. Zakona o slobodi pristupa informacijama u Bosni i Hercegovini („Sl. gl. BiH“ br. 28/00). Nažalost, iz postavljenog pitanja nije vidljivo o kojoj se odluci radi. Stoga, Ustavni sud BiH nije u mogućnost da dostavi podatke, eventualno, o izvršenju određene odluke. Ukoliko bi dobili potpune podatke, Ustavni sud BiH će dostaviti raspoložive podatke o konkretnom predmetu, kao i druge korisne informacije za poslanika Jovičića.

S poštovanjem,

Predsjednik
Ustavnog suda Bosne i Hercegovine
Prof. dr. Mirodrag Simović




R. Dž. Čauševića 6/III, 71000 Sarajevo

tel:
+387 33 251 226

fax:
+ 387 33 561 134

web:
www.ustavnisud.ba

e-mail:
sud@ccbh.ba

Bosna i Hercegovina



Босна и Херцеговина

01/a-50-1
02-03-2012

Tužilaštvo – Tužiteljstvo Bosne i Hercegovine
Тужилаштво Босне и Херцеговине

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: A-I-96/11

Datum, 24.02.2012. godine

PRIMLJEN	05.03.2012	
Organizaciona jedinica	Regiji	Broj priloga
01-50-1-15-14/11		

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI/ZASTUPNIČKI DOM

Predmet: Odgovor na poslaničko pitanje poslanika Predstavničkog doma
Parlamentarne Skupštine Bosne i Hercegovine

Veza: Vaš akt broj: 01/a-50-1-15-14/11 od 29.11.2011. godine

Poštovani,

Povodom poslaničkog pitanja poslanika Predstavničkog doma Parlamentarne skupštine Bosne i Hercegovine gospodina Slavka Jovičića koje ste nam prosljedili na odgovor vašim aktom gornji broj, a koje je postavljeno na 14. sjednici Predstavničkog doma Parlamentarne skupštine Bosne i Hercegovine održanoj dana 24.11.2011. godine koje glasi: „

Šta je sa krivičnom prijavom koju sam podnio protiv odgovornih lica koja su navedena u odluci ustavnog suda kao odgovorna lica da mi odgovore na apelaciju u kojoj sam zastupao žrtve koje traže svoje nestale?“

dostavljamo vam sljedeću :

INFORMACIJU

Po osnovu Rješenja Ustavnog suda BiH o neprovođenju odluke u predmetu AP-129/04 od 27.05.2006. godine i krivične prijave Saveza logoraša Republike Srpske od 20.04.2006. godine Tužiteljstvo BiH je provelo istragu protiv NN počinitelja u Vijeću Ministara Bosne i Hercegovine, Vlade Federacije Bosne i Hercegovine, Vlade Republike Srpske i Vlade Brčko Distrikta Bosne i Hercegovine, zbog postojanja osnova sumnje da su počinili krivično djelo neizvršenje odluke Ustavnog suda BiH, Suda BiH ili Doma za ljudska prava iz člana 239. KZ BiH.

Nakon razmatranja prikupljenih dokaza, Tužiteljstvo BiH je, na osnovu čl. 224. st. 1. tč. c) ZKP BiH, donijelo Naredbu o obustavi istrage br. KTA-227/06 od 06.04.2011. godine, a iz razloga što je Tužiteljstvo BiH utvrdilo da u ovom predmetu ne postoje dokazi koji bi

potvrdili osnovanu sumnju da je neko od odgovornih osoba u Vijeću Ministara Bosne i Hercegovine, Vlade Federacije Bosne i Hercegovine, Vlade Republike Srpske i Vlade Brčko Distrikta Bosne i Hercegovine, počinio predmetno krivično djelo.

O navedenoj odluci Tužiteljstva BiH, Savez logoraša Republike Srpske je obaviješten dana 06.04.2011. godine.

S poštovanjem,

